

沅
湘
耆
舊
集

沅湘耆舊集卷第一百四十三

新化鄧顯鶴湘臯編輯

湘陰左宗植仲基校訂

楊教諭先鐸二十四首

先鐸字聲父一字木庵湘陰人嘉慶庚申舉人官

桃源教諭有醒齋詩草木庵有詩名程春海侍郎

視學貴州時過龍陽驛舍於壁閒見其詩極爲誇

許後侍郎移節湖南與余語及頗悔前言之易今

檢閱醒齋詩集可存者尙不少未知侍郎前所見

者爲何等也

湘陰周賦其祖蔭軒翁讀書鳳皇學

署有鬼仙贈詩云家住蓬萊清淺灣幾年飄泊墮

人閒如君高誼能千古送我珍鸞返舊山庚申以

後遍遊名山水作詩盈篋有少華太原博平淮陽
蘇春車鑿蘭溪外舟梅窗便錄諸稿乙亥赴官
南剛存舊稿分鳳城紀行燕臺草桃林草遊覽拾
遺詩西江集香草堂詩紅雨山房集共十二卷
程春海司成觀小蓬壺詩謂先生得奇
筆於古人而能自闢一生面作書褒之

食齋

驪龍不行雨抱珠良足悲
櫪驥不在途食豆非所期
丈夫誓報國安用富貴爲
窮官事珍饈難免識者嗤
竹几午風細莎庭斜日避
淨瓷酌白酒香麝開黃蓋
食貧吾分耳味澹甘如飴
長嘯歌衡門此心人不知

定州道中書所見

車聲磷磷口呆呆一簇紅塵定州道
道旁借問來者誰云是隴西官眷
歸車中貴婦騎車下健僕橫纍纍
輜重數十

乘傾塞官道如雷鳴年來巴巫苦兵戰妖鳥剝啄戎馬爭
婦不得織農廢耕適從何來籌滿盈君不見前馬瘡後車
裂僕夫喘息聲闐咽此不是錦官城外芙蓉花恐是隴西
兒女血

飯後鐘

自注一見段文昌曾口寺一見王播木蘭寺
一見呂蒙正利涉寺此經文穆公養晦處作

乞吳江乞淮陰英雄一飯酬千金一母一女俱眼明心知
不是尋常人胡爲朝朝暮暮乃與閭黎齷齪分殘羹側身
天地何所容爾生吁嗟乎富貴則親戚畏懼貧窮則父母
不子志士窮途類如此莫怪詩壁塵封二十年當日交遊
可知矣飢餓只從讀書始

六月一日郊行見分秧者

年年六月稻花香今年六月猶分秧野水沈沈氣蕭索田
歌鬱鬱聲悲涼寒衣典盡買嘉穀稻種四播穀價昂尚恐
秋成未可必老羸仰屋無批糠催租索貨勢交迫况有國
賦宜先償寄言當路急優恤縱使有年民已傷

東鄰雞

東鄰雄雞作雌伏秃尾昂尻待雌逐西鄰雌雞作雄飛揚
聲逐雄雄俯隨呼童縛雞雞上屋雄不能鳴雌喔喔

貪狼

貪狼之貪肆鯨吞弱肉強食逃無門磨牙吮血饒噉盡乃
敢當路來食人生來不識白額虎往往虎前逐鼯鼠遂謂
虎威亦可撻呼羣窟虎虎莫侮本埠誰知虎怒積已深虎

亦眈眈奮威武狼前奔虎後舞霜身瘁瘁斷其股據地哀
號虎不許羣狼深藏巖穴閤牢關固拒心膽懸山中狐兔
走相賀朗月當空山寂然

諸葉粥

湖南一十三州府官民顛天天不雨白日流丹夏及秋不
旱之邑十無五頗聞民間言旱災岳屬平江旱尤苦平江
田少多山丘田既無獲山何求南箕不簸斗不挹富民不
貸貧民愁兒嘸妻饑艱仰屋典盡寒衣賣黃犢舉家依舊
持枵腹催科吏來無酒漿惟有一甌諸葉粥諸空有葉根
無諸山中諸葉皆已枯今年葉枯猶可茹來春諸葉粥亦
無

采葛行

朝采葛暮采葛采葛深山忍饑渴手皴足繭不知疲絕壑
窮淮計生活采葛歸來不滿擔千鍾萬杵膠泥黏清水池
漚漬清粉雜以野菜味亦甘荒年但求免饑餓豈敢一飽
窮饑僂朝采東山嶺暮采西山麓老攜幼負朝朝暮暮一
望童山光歷碌東鄰西舍悄無言饑來惟向山頭哭酸風
苦雨空山阿烏虐饑民柰爾何爾家有吏來催科

猛虎行

崖上尊官猛如虎堂下小民弱如鼠官惟養虎不養民虎
常食肉民常貧况乃縱虎來食人泰山之哭胡不聞前途
陷阱不可越虎兮虎兮防一蹶

當食

兒幼父早逝，賴母稍長成。母曰：兒安貧，入口舌代耕，雞豚不常御，每食呼菜羹。蔬水承顏，母不厭，母心常悅，兒心甯。今茲狂官忝微祿，蕭颯風樹聲。何酷盤中有魚鼎，有肉兒無母，哺當食哭。

適情

豈不居湫隘，游心太古還。世情看落葉，詩境在秋山。坐約松陰護，行隨鶴影閒。紅塵車馬跡，不到白雲關。

黃金驛

自笑黃金盡，仍騎瘦馬來。荒煙迷瀚石，落日照燕臺。駿骨空三市，貂裘換五回。不如歸去好，買酒白雲隈。

岳陽樓

到眼皆空闊，欄干倚斗牛。青山無地戴，落日有波浮。客醉巴陵酒，漁歌木葉秋。題詩懷杜孟，千古此高樓。

寫懷

獨立雕闌外，聞歌喚柰何。病因知藥熟，貧恐負人多。歲月催霜鬢，行藏夢蟻柯。仙槎如有待，翹首望星河。

後村

木落天光迴，平臯露氣涼。稻收牛力健，碓響婦功忙。社鼓團人影，炊煙帶酒香。秋成年歲好，吾亦醉江鄉。

送褚幼良赴燉煌幕

帶劍請長纓，辭家萬里征。龍沙秋校獵，虎帳夜談兵。夢遠

烏蘭月詩傳黑水營弓衣爭購取異域重才名

冬日書事

白傅憐飢餓吾生空此心
整簷藏凍鼠留飯飼饑禽
嚼雪梅同冷圍爐酒自斟
柴門終日閉高臥碧雲深

諸君

羽書千里絕塵奔
夜火如星照驛門
白骨縱橫村竈冷
黃河慘澹陣雲屯
寇來賸有逃租屋
民散誰招未死魂
惆悵中原戎馬地
諸君何以答皇恩

送友人從軍河北

舊曾遊獵射南山
征馬蕭蕭白日寒
市駿郭隗投冀北
袖椎朱亥赴邯鄲
夜眠雪帳弓衣冷
渴飲沙場戰血乾
聞道

信陵方愛士歸來長缺不須彈

村落

秋田平遠暮煙斜幾樹丹楓散綺霞
蓼岸花飛黏蟹斲菱塘落日魚叉年
豐無復逃租屋穀賤應多賣酒家
閒與鄰翁占牧夢拾來霜葉坐烹茶

春盡

豔陽天氣近黃昏芳草萋萋綠到門
雛燕習飛殘雨徑乳鳩歸哺夕陽村
風吹柳絮黏衣桁蝶抱桐花落酒樽
獨坐芸窗誰是伴坐看新竹倚雲根

舊衣

歷盡風霜十幾春年年長伴遠遊人
裘雖半敝寒猶煖布

本無華散亦新何忍暫拋慈母線未能輕浣帝京塵
回思
縞紵言歡日屈指貧交更愴神

山寺

樹密鳥聲繁溪流花影破空山悄無人雲抱一僧臥

江行

三十六灣秋月圓半江紅樹半江煙輕帆曲曲隨湘轉
臨風
荻無風花滿船

陳解元世昌八首

世昌字卜五號菘蓀舉嘉慶辛酉湖南鄉試第二
官甘肅同知有集未見

皓月

涉江春集 卷之三
皓月澹林靄宵深作意明星河沈夜影蟋蟀亂秋聲瘦骨
覺寒重道心因病生似聞孤鶴唳露下碧梧清

送家弟仲民南還時與汪大豫林同作

半載天涯聚春催汝共歸草香醒別酒柳絮壓征衣貧賤
馳驅早艱難骨肉違待看荆樹合嘉蔭更芳菲

卽景

春禽弄新聲喬木憂幽響山徑無人蹤白雲時獨往
晚風盪江煙維舟傍高嶺仰視月昏黃孤樹如人影

舟行雜詩

茂林高與嶺雲齊萬綠叢中結屋低輸與山家清淨福桐
花如雪子規啼

嵯峨重巘峙江隈一櫂斜衝

回首數峯青不斷蒼

煙深處盪舟來

萬重山與月吞吐數點星隨波蕩搖蒼翠四圍迷路出宵
容歸夢渡江遙

湖上吟

不愛山居愛水居荻花吹火煮鱸魚洞庭湖濶三千頃臥
看浮雲盪太虛

張訓導履信二十九首

履信字雲池一字復言湘潭人嘉慶辛酉舉人借
補邵陽訓導有二雲書屋詩集湘潭張氏有二族
俗所稱老張新張者也兩家皆有文學多致通顯

雲池則老張之雋也詩有風格不墮叫囂惡習亦
不落江湖俗派

題項王廟壁

楚借生義帝誅秦入咸陽漢借死義帝馳檄討項王項氏
日以衰劉氏日以昌惜哉項王不能待蒙首惡名殊不祥
迂儒稱漢名義正自愚愚人吾不信項所欲爲劉亦然發
難只爭後與先義帝猶存項王滅漢王豈能終臣節君不
見鼎上吾翁卽若翁分羹且能忍太公

春郊

行行出北郭遲日未西傾春深寒力微和風解宿醒但覺
心意適信步忘歸程野花自蒙茸種繁不知名桑陰蔭東

臯布穀時一鳴新晴土膏動一犁趁春耕田婦攜其雛短
棹餉東塍椎髻無儀飾娟依皆天真相看澹無言我亦桃
源人

得女孫

呱呱聞嘯聲問夜恰當午山妻走相告新婦生一女乍聽
心覺喜久坐意爲憮我受多女累憂勞不勝數老年欲抱
孫賴之繼先緒女孫與男孫豈可同日語山妻殊不然唧
唧相齟齬慰情良勝無此語傳自古妻言或可聽我見母
乃腐賀客喧且呼一笑爲人祖

督亢坡

督亢圖獻秦王殿督亢圖窮匕首見匕首觸柱火亂飛白

虹貫日天爲變術疏債事殊可憐樊于期頭不值錢燕丹
社稷輕一試八百年國成荒煙燕地河山非弱小養士訓
兵能自保強隣竟觸虎狼威盜賊之行殊草草秋風易水
聲潺湲壯士當年果不還把酒掀髯論劍術要離塚畔買

青山

自注用
漁洋句

懷石湘筠

迢遞白雲司園扉責簿時琅璫空灑涕草莽究何知法吏
爰書定皇仁破格施餘生全薄譴應有紀恩詩

張睢陽廟二首

蜀道蒙塵日烽煙柰若何孤臣誰洒涕落日獨揮戈死障
江淮重功成李郭多賀蘭誅未得遺憾詎銷磨

義烈同齏粉空期馬革回千秋崇廟貌一體祀南雷
誓血恍猶裂英靈森欲來陣雲與邊月想像不勝哀

登太行山

海日迴羲御河流豁禹門青蒼迤絕塞形勝俯中原
雲氣千盤湧雷聲萬壑奔誰知五嶽外兩戒獨稱尊

渡滹沱水

河冰凍不波驅馬渡滹沱白日中原澹黃雲絕塞多英雄
勞戰伐壁壘已銷磨麥飯徵遺事憑鞍一浩歌

落葉二首

木落萬峯寒蕭蕭歲又闌
禁霜堆徑滑和雪打窗乾
老去詩魂瘦天涯旅鬢殘
汀關哀庾信離憾欲消難

幽人在空谷清賞對疏林
明月了無礙白雲相與深
榮枯醒幻夢解脫悟禪心
何處尋蹤跡蕭騷思不禁

山行見古梅將花有作寄秦百一

相值無人境移根不計年
孤清應迴絕神韻總蕭然
遺世投閒老將春得氣先
疏枝兼冷蕊索笑亦前緣

鑿石浦謁杜陵草堂感賦四首

留滯曾巴蜀艱危避地人
何年下巫峽一棹泊湘濱
稷契生平志關河老病身
岸花與檣燕可似錦江春
屈子行吟後千秋豔芷蓀
公來更詞賦天遣重湘江
烽火三朝歷駭壇萬古尊
長沙有樽酒一體與招魂

憶昔江南路曾登太白樓
草堂今石浦兩地共千秋
庾鮑

何人識蛟龍入夢愁憐才公獨切更欲辦香酬
我愧湘潭老飄零西復東不應甘棄物所幸未衰翁獻賦
金門裏熏香畫省中那堪搔短髮舊夢總成空

劉太尉故宅

老病支離日君恩仗鉞行奇功成采石宿將愧儒生故宅
基猶在孤忠憾未平靈旗揚彷彿尙憶順昌城

看梅花懷家謙庵

塵外標孤格移情古澹中天機自清妙春意覺淵冲影瘦
宵深月香浮雪霽風江村茅屋下幽賞與誰同

旅館不寐

讀罷陳編擁敝帷雨中寒漏聽依稀榻緣新設眠難穩鏡

入殘更影漸微
劄口自憐生計拙
思親深悔遠離非
晨雞初唱披衣坐
頻向東窗望曙暉

丙辰二月十六日喜魯一齋至自漢陽

卽襄見說滿蒿萊
戰苦雲深畫角哀
覲面遠疑天外至
驚心險自賊中來
相看乍覺愁眉展
無語惟將笑口開
百感茫茫集今夕
深情生怕暮鐘催

太白酒樓

樓外風濤雪打堆
樓中斜日笛聲催
憑陵六代無餘子
笑傲千秋有酒杯
我亦東遊濟水過
君曾西謫夜郎回
解貂賀監今何屬
明月青天獨往來

壬戌下第南歸登黃鶴樓感賦三首

昔人此地建高樓，振策登臨最上頭。
雲鶴只今陳迹杳，風濤終古大江流。
遊仙有夢虛三島，落木無邊下九秋。
回首長安天萬里，倚欄凝望不勝愁。

文章契合豈無神，振古仙才思不羣。
眞賞一時逢太白，高名千古擅司勳。
晴川芳草猶依舊，玉笛梅花可復聞。
此日登樓空作賦，茫茫百感對斜曛。

軒窗面面俯虛空，小憩招邀有道童。
萬里輪蹄行役倦，百年日月逝波同。
荆襄征戍嚴烽火，風雨鄉關滯雁鴻。
樓上仙人應笑我，到來底事去匆匆。

白雁

獨雁天涯悵遠征，南來猶帶塞霜清。
蘆花洲渚寒無影，明

月關山夜有聲
縞袂空閨孤枕淚
白頭漢使故鄉情
雪泥爪印嗟何定
我亦飄零百感生

戊寅春日同人枉過二雲書屋小飲

獨抱閒雲臥
砌阿嫩寒猶自怯
維摩達鷲羅薛開
三徑風月鶯花聚
一窩歡會老年逢
不易詩情春興得
來多都緣結習除
難盡莫向樽前喚
奈何

壁箋題額黃山老

自注二雲書屋爲歛人黃心庵題額

縱筆狂歌角里仙

自注

吳人朱澗東爲賦二雲書屋長歌

劍烏頻過猶昨日
死生一別感流年
漫

憑唐宋分宗派
底用王盧鞍後前
老我騷壇抗旗鼓
南軍誰更領中權

流水橋弔何黎平

龍去翠髯失鼎湖鷺花金粉又聞都書空殷浩無長策跋
扈桓溫有異圖萬死臣甘沈碧水三遷主更寵金符可憐
桂嶺炎風地憑仗南天一柱孤

黃陵廟

紅淚斑斑竹未枯茫茫何處是蒼梧香魂哀怨知多少花
落荒祠叫鷓鴣

會舉人瑤 二十二首

瑤字玉璵新化人嘉慶辛酉舉人有栗塢殘稿余
識栗塢於童時初不知其爲詩人也栗塢歿後始
從其族子毓芳伯醇所得其遺詩閱之清麗絲芊
導源溫李已爲採入資江耆舊集矣比其子毓春

秀之以手錄本見示復爲增入數首栗塢兄弟皆能詩今無復有存焉者輯其詩輒爲之三歎也

采蓴曲

郎船來港口儂舫渡江津
叩舷歌歛乃言采上湖蓴
四月蓴始萌纖細如釵股
采采不盈筐雉尾隨流舞
六月葉已齊平鋪似馬蹏
密絲浮水際縈繞白沙隄
八月不可食蠋蟲能殺人
回舟登極浦輕帆打白蘋
十月猪蓴老摧殘復顛倒
采取作蓴羹長莖和菜擣
何所敵羊酪江東有露葵
爲儼下鹽豉宛轉滑流匙
人生貴適志羈宦胡千里
杳杳念吳中昨夜西風起
感此發神歌蓴葉逐流波
流波不我待回首意如何

龍溪驛

孤驛連旬雨，平階草色新。
崑深山俯室，院靜鳥窺人。
古屋最先暝，寒花獨後春。
一樽成薄醉，慵掃案頭塵。

微風輕舞燕，新水細流泉。
夢已郢亭斷，書難驛使傳。
壞垣嫌霽雨，冷瓦戀廚煙。
已減春無主，花開更悄然。

空館挂蒲鞭，前庭思黯然。
斷碑依草臥，高樹與雲連。
茶甌添新火，詩囊檢舊編。
夜深誰作伴，風雨對牀眠。

柳絮

芳草王孫底不歸，垂楊舞絮又飛飛。
餘杭門外春華盡，灞水橋頭旅客稀。
山店曉煙風料峭，禁城寒食雨霏微。
最憐歸去陶彭澤，三徑閑居雪滿扉。

雨中龍溪道上

花時細雨出龍溪
柳絮春風送馬蹏
燕子泥融官道滑
鴨頭水漲野橋低
破愁當得澆腸酒
望遠曾無刮膜鏡
暗數舊時經歷處
年年芳草一萋萋

每題

躡屐一乃東復東
滿溪桃李嫁春風
雙鬟漸擁鸚鵡綠
半

此蜥蜴紅月窟
曾容方士入銀河
不與海波通天涯

諳盡崎嶇路
認得藍橋又夢中

走筆裁詩給妙伶
脫貂沽酒上旗亭
玉爐裊穗香盈袖
銀蒜鈎簾月滿廳
刺史狂言當座發
謝娘清議隔帷聽
須臾送客鬢髡醉醕
酌牀頭喚不醒

記取青樓大道前團圓絮語意纏絲彈碁淺露金條脫命
酒類傾藥玉船角枕淚珠嗁達曙錦囊消息斷經年東風
不解丁香結愁寂春山鎖暮煙

昨夜前溪水斷橋閉門連日雨瀟瀟入懷珠佩回眸失惹
衣香踰月銷血盡杜鵑春自老力窮精衛海天潮空階
無人到花落黃昏又一宵

江樹層水萬重歸帆滿眼未相逢碧筒酒盡荷心苦紅
炷花開蠟淚濃帝子哀絃饒有怨洛神微步杳無蹤雲迷
十二巫山雨人在巫山第幾峯

駿馬出來數溧陽多情莫過老徐娘後庭蹴鞠裹垂地別
院鞦韆影度牆籬菊乍開芳信晚渚蓮雖謝藕絲長情知

不及春風好脫卸金釵十二行

東風牆外柳絲長
楊白花飛只自狂
未許三年窺宋玉
休將七柱賺周郎
同心結盡山梔子
拜月燒殘寶鴨香
一聽金魚重疊鎖
更無人識杜秋娘

雲旆飛飛影接天
列真環擁上清仙
拜迎王母鸞輿駕
揖入麻姑鳳脯筵
紫府綠文畱玉簡
絳河青鳥失雲箋
阿環垂首金鑾殿
廊外東風眼欲穿

盧家蘭室謝家庭
曾向春風幾度經
帽影鞭絲隨款段
玉釵金縷隔雲屏
三生檀板心方悟
九死魴鱖目不瞑
記否去年寒食節
今年惟有戶長扃

黃昏庭院雨淒淒
六曲屏開認舊題
孤鶴遙歸滄海外
雙

成遠在閨風西寶爐灰冷衣箒潤銀燭光闌扇影低一枕
夢回人不見度簾風動鎮帷屏

鬢子新梳髮半卷輕黃額角帖花鈿曉窺奩鏡寒侵日夜
弄檀槽怨入絃前事杳茫餘寶劍後綠絲渺卜金錢香殘
燭盡房櫳冷幽意重重類楚絲

歸舟小字帖瑩篔簹鳳拍鸞絃卽席調掠鬢暗低紅縷髻遞
觥遙插碧牙籌斷雲含雨空歸岫孤月銜山自上樓半世
籌思難忘處未容幻妄一時休

雜和王荆公集中七言絕句六首卽次元韻

清明

倒鞭敲鐙馬行遲官柳長條踈地垂潑火近來連日雨平

山堂下水成陂

春郊

平蕪閑眺草初齊
滿郭鶯花眼自迷
好是同遊都不惡
策驢猶欲踏前溪

春風

鶯娘薄繭未堪繅
少女輕風落露桃
酒力漸消衣漸冷
綸巾蕭散倚亭臯

山櫻

山櫻灼灼綻新枝
若比天桃量較遲
開向深林人不到
幽芳粗遣蝶先知

黃鸝

金衣ノ色嫩娟幾樹高
歌更可憐記取雙相閑
聽處建章宮外曉風前

蝶

輕盈粉翅薄於繪
花外春寒恐不勝
愁殺

料峭柔

條嫩葉未堪憑

毛教諭國與首

國與字

長沙人嘉慶辛酉舉人
官邵縣教諭

登鹿原

鹿原高對紫巾峯
佳氣葱葱萬古封
一自雲霄開寢殿
多時神鬼護嚴松
江山舊跡餘芳草
雷雨空潭起蟄龍
粒食敢忘當日力
豐年歌喜聽三農

陳教諭楷禮 十七首

楷禮字輯五號卷山武陵人嘉慶辛酉舉人

縣教諭有卷山初稿卷山銳意著述留心

輯常德文徵搜羅殆徧又別有洞湖志稿未及

刊行而卒余客朗時搜其遺草不日嘗以是聒其

邑人胡光伯庶常焯楊杏農孝廉 吳久之杏農

寄到一小冊蓋是集已將刊成矣 始採捃數首

彙望溪

武陵山行深盤折窮平陸拄策涉沅水夷 在目錄

絕毒淫山水豁新沐青蘿縮碧簪涓決更

迹樵響聞空谷溪上四五家攀茅補松屋

子集

曉然楚竹數聲柔，櫓中不惜窮源獨中流。歌欵乃細浪生，
暈穀杳杳逐雲移。冥冥披霧宿昔遊，誤桃川始此涉幽巖。
洗蕩警心魂，雲綃控百幅。

飲酒次陶韻

吾生既有涯，勞形欲何之。春風不相度，流鶯語闌時。帆
涉千里風，煙適歷茲回。頭語春風慘，悵懷然疑。良負達人
訓，慎言不自持。

朝出郭門東，遙望北郭。遠黛揚修眉，含情與我言。上亦
不干古，下亦不萬年。迴沙。區區此意誰復傳。

珠林雙翠鳥，比翼相迫飛。飲啄各。摧殘未人悲，所惜
毛羽淺，百步欲何依。朝飲故溪水，日暮復來歸。枳棘無修

枝凌冬亦不衰臨風再三歎此情與我違

東城桃李容倚門笑填喧念彼蕙蘭花翛然韻自偏結根豈不同含英易邱山伊誰厭桃李軒羲爛往還我亦傷蘭蕙其如有後言

和陶歸田園居五首

少小向西笑負氣欲移山濶落廿載餘圓景及壯年造物靳一飽險巖復阻淵昨我忽有夢桃李映谿田綠窗閒修竹置我於其閒雲霞染衣袂圖史羅後前新茶潑綠乳湘簾捲爐煙濯硯臨清池放筆窮顛顛倦來支高枕暫可魂魄閑咄咄增歎息恐此復偶然

沅涓南北路飛塵看掉鞅著履振素衣天清集遐想寂寞

桃花源昔人已長往
溯洄沿清流
尋鷗社長芙蓉兩岸
閒茅舍五畝廣芳蘭
不可攀聊復攀
涵菴

背山復臨水此樂并者稀
山水本天放數卷空忘歸
煙嵐變朝暮飄飄吹天衣
暫結仁者契靜對永無違

賦性既懶拙與物少款曲
亦知天地寬何處翹吾足
小園爛青黃糟牀遞轉局
夕陽在前林夜露明短燭
持杯羅盤蔬誕謾忘昏旭

題友人柳陰垂釣圖

塵海紅塵十丈厚紛紛
五落垂竿手嚴以已渺
釣臺空一竿何日爲君有
柳花點水鯉魚肥樹拂
珊瑚魚貫柳翠杯
恰趁月當頭入夢但愁星
在蕭家住桃心春水溪
柳絲踈

地春滿隄便欲歸去挂笈笮桃花紅倚酒人影

潘學正煇 一首

煇字郁亭益陽人嘉慶辛酉舉人官郴州學正

楓峽

峽門最高處一亭露軒豁楓葉霜花紅青蒼雜松檜徙倚
危檻前衆皴兒孫列豈必小天下撫景足怡悅

沅湘耆舊集卷第一百四十四

新化鄧顯鶴湘臯編輯

湘陰左宗植仲基校訂

張蓉裳家集 一百十五首

家桀字靜安一字容常別號蓉裳湘潭人嘉慶辛酉舉人道光丙戌挑發知縣改官新化縣教諭有蓉裳詩鈔八卷蓉裳與余相知久而未謀面丙戌之役同謁選郁門相見憾晚余不樂吏事求爲教官蓉裳方得縣令賀門因就余商出處余強之同就冷曹蓉裳然余言卽向吏部求改官賀者笑之蓉裳不屑也既官新化與余情好益

密久之盡哀其生平所作古今體詩屬余訂正余
爲之序訂去取釐爲八卷付刊刊竣而蓉裳遂歸
道山可哀也已蓉裳生長名家早歲跌宕自喜其
詩以穠豔雋麗爲主既悔其所爲一變爲緜密樸
茂晚交礪東日與倡和盡泯雕鑿繪之跡故蓉
裳之詩至官新化而益進今其集具在知蓉裳者
當徵余言之不誣也蓉裳死余爲志其墓沈君栗
仲書丹黃君尻癡爲買葬地於長沙城南之雨花
亭其家不從乃歸葬於湘潭二君與蓉裳皆至交
云沈栗仲云余與蓉裳交最久其詩陶治錫鑄寒
華柳實逸韻冲遠秀情超拔蓋挹三才之遺芬
而游心於唐宋中巨公者深也余謂礪東格高湘
阜體大容裳趣下不相涉而亦白不相詭信乎

其可以開時三
清辨真氣洋溢饒於風趣而不墮而翰詭隨之包
富於包孕而不效鄙儒砌疊之能所謂風人之
之旨雅人之致蓋辨香眉公而得其神者

雜言

古詩三百篇義取寓美刺無邪尤大指諧叶本餘事雜時
無韻書出入豈限制方首信天籟比接恰一例浸淫暨漢
魏時猶見遺意咄咄沈休文四聲譜後世聲病既已嚴古
詩自此廢豈惟廢古詩遂乃不識字

十五嫁王昌李邕惡輕薄考其生平嗜酒縱橫博豈無
瑣瑣名短章擅黃鶴柰因跡弛過早被名負文士類無
行舉動增慚怍才思縱馳駛人且俱寂寞况乃淫哇習流
傳資笑矇自非陶靖節閒情休寄託

郁園香味廚僕射金蓮盆敗及忤得志淺陋羞貴臣豪縱
既見讒儉素乃得伸百昔制服物隆殺固有倫就其尙疏
屬詎盡率本真不見公孫宏願無逢故人

秋蓬生麻中不扶而目直物性可相正於人獨無益修士
渺千里曷由近朱赤有賢不肖因緣在咫尺祥麟終日
見無改靈鬼蜮會史與居終然安盜蹠如彼薰與蕪臭
味各不易如彼芳蘭畔中自生荆棘遑期堇荼變轉慮迷
陽偏我讀勸學篇廢書三太息

初晴

朝陽如羸師積雨若久病病起還復頽師出旋不競方春
至月雨陽匿陰滋盛不見火繖張但見跳珠迸今晨生暝

繡林翠媚淨懸暎乍闌闌瓦光微掩映浮雲西南來移
時成游暝春風幾飄盪始見天晶瑩積重匪朝夕陰柔難
驟勝太息物理微一晴費商定

歸自都中李竹谿招同子言中之仲良小集江深閣
分得箇韻

萬里辭熱場餘蒸尚無柰故人敞江閣洗塵哀我癯峯街
亂帆沒江夾一洲臥近聽檐馬語下視水鳥墮我行六閱
月乍浣縑衣浣微官甘抱擊僚底儕丞佐頗聞熱中人失
計笑輶軻亦有過來者不弔反我賀管城無肉食詩人例
窮餓且吟江深句消夏尋清課天風憑危闌目送浮雲過

雨集仲良頤園用顏魯公水堂聯句韻

客星集東南天親共無著偷閑日一會遂此及時樂林亭
隨嘯詠茶瓜代殤酌小園古隄畔面嶽據西郭去年展重
陽雅赴看山約人如永和禊圖繼西園作場游萬里歸朋
好漸蕭索感時論往事輒作中年惡故人喜健在執手恣
歡譔晨星聚無常舊雨招宵卻老屋補蘿薜幽芳攀杜若
雨餘洗山翠客至噪庭鵲同爲散髮士異地忘飄泊僧寮
儼乘興更踐詰朝諾

卽事簡中之

秋盡熱復還袷衣尙流汗定知涼愈速不待知者算朝來
袍裘寒朔風吹雨散炙手一反復炎炎古所歎愁人塊無
與就話榻分半辭煩病重咨意索鞞淩亂匪無面交友促

滕魏河漢志原同鑿柄過豈在崖岸起尋老畫師

自注
文斐山

客至駁柔翰瑣語若引纊絡繹不得斷急如驚鴻逝那俟
嘯鳥換偶拈牆角花歸供耳目玩無膠莫此甚或亦三生
案疾書以日記我笑君應粲

奉和學使程春海學士北湖懷古之作

古湖瀟北流曠莽雲日映千年波淪漪百頃風激滢堂堂
昌黎公憫侗陽山令州家申名後委蛇俟朝命居邨三閱
月曾此須眉鏡至今屢淤鑿清渠尙環亘公昔移閭門志
切蘇兆姓豈知朝上疏暮已炎荒屏倉皇逾嶺南所至愁
陷阱飛游蟲蛇聚生倖吏民橫赦書越歲下例可還朝慶
太皇病施帷佐文公竊柄狐梟爭署置驂驢仍蹭蹬法曹

固貧賤且未辭笞撈公戲師舌柔卻咎齒牙勁中宵叉魚
辭蕭颯乞雨詠想當縹雲卷舉杯蕩清興所嗟曲江荷遠
憶琉璃淨皇華使者車懷古出至性上規山石句旗鼓真
可競一事差傲公置身際明盛邦君亦古直自注曾石疏
友刺史
泉關畦稜崇祠卜湖陽垂堂女蘿靜豈惟肅禋祀兼可備
禳禳新詩謁祠廡書亦劇瘦硬便擬歌祀公義與潮碑竝

鄧子振文學子立學博聽雨圖

富貴遠弟昂何如褐之父文士薄骨月未若愚與魯世俗
尺布畿睚眦動交瘡遽衣與同食茲道棄如土君家好兒
弟詩禮持門戶鄂不釀春氣祥風各蒸煦怡怡五十年相
親猶孺乳南邨稱苗肥溪流出深塢東西脰隴接遠近桑

麻樹夜深聽蕭瑟風竹交加舞茶煙颺庭榭鐙火聞人語
以茲堅舊約預恐悵修阻微官但鄉郡筮仕戒華膺邇來
長沙地對牀忘煩暑彬彬羣子嫉讀書喧雨無時聞中宵
聲清話窮今古絕殊彭城夜飄泊穿風雨我亦有老兄病
廢塊無與一官博餽粥泛宅同羈旅以聞風雨來起坐空
延佇

楊刺史

瓊

息園四首

出郭循北渡溪腴多平田古屋高下置倚巖成繚垣松杉
凌冬榮桃柳方春妍亦有菡萏花發池引山泉先生清白
吏七十車先縣菟裘遠埃壘荷衣遂安便太傅居洛陽高
吟池上篇溫公予宮觀獨樂以名園先生笑曰嘻匪云希

前賢閑閑十畝閒聊可息吾肩

熱客方梯榮達人自知止豈伊簪紱貴易此林壑美春秋
好風日孫曾環杖履亭臺無遠近興至輒徙倚餐芝商山
翁載舫倚玕子宦塗且莫問有識防掩耳

去年臘向盡暮雪舒紅梅有兄官泗上頭白還歸來老屋
東西頭杖履頻追陪歡言及舊事酒到無停杯某水與某
邱游釣思童孩故園重回首此樂誠優哉不見對牀約老
去仍儋雷

林泉是處佳買山或鮮資廣受亦尋常僕指幾人歸我嬾
免折腰冷宦人攢眉始知區區者動苦願力違陶公酒熟
初庾園花發時寄言漢陰丈先生方息機

酬左仲基學博

元長欲紹家弱年求自試東亭傳習業六齡不視伎古昔
所傳人生平具前史方其在少日早已識大器君才機
流名聲徧湘芷制科首拔萃弱冠謁

天子世俗競夸尙君意殊所鄙慙候嫌早達逡巡對年齒
固知賢不肖奚啻相倍蓰卽今氣初壯文事稱意指從衡
擬遷國樸茂追蘇李源流逮唐宋下筆風行駛投詩過推
重駭汗顏增泚少壯不如人矧今日月逝經時艱屬和賁
諛知我恥學古君優爲期以不似似浮雲蔽山川相望
平
鬱無際吾衰坐歎息看君日千里

鄧庭維先生松堂讀書圖爲哲孫子立題

昔聞老翁泉植松滿山岡百年戒翦伐比之召公棠君家
先大父讀書幕牟長箋疏翼經傳著錄紛門牆園綺歸道
山雲松鬱蒼蒼龍蛇舞白日人指佳廬堂再傳逮諸孫風
格仍開張都無卿長慚而有闡宏良愴懷述祖德圖詠徵
名場小生忝卑比松門鎮相望敬恭式里閭重是煠成鄉
永思君子澤感予涕浪棠灣花繞溪佚老松千章自注
吾邑
五都棠灣里佚老亭爲先大
父石園大夫著書退休別業
當時媿通德歷久無能詳敢
云關盛衰固是乏聞敬舊家見法度喬木含風霜從知百
千年元鶴欣來翔

暇日偶陪瀾翁登城閒話時澗翁作宅方成因述其
語以落之

執手城東闌斜陽在林畔下瞰處士廬掖郭闢生面清瀆
流其東南臺獻其半風帆時出沒煙雲遙變幻其前環方
田連塍畝平衍秋深熟晚稻被隴黃雲徧時方鳩工材增
舊拓闕閑先生笑語予匪伊崇美奐茲地稍汗下左右匯
溪澗往往春夏交水潦或爲患迺相宅東頭構樓疏闔扇
高約三丈強遠可百里見旣賴備洪浸亦取擴眺眇猶乘
雨水前繞樓樹桐棟棟取辟蠶螿桐待巢鵲鶴古春草木
榮鳴禽聲百轉或值秋氣佳紅黃葉交紛老夫靜少事于
時樂閒宴歌嘯答樵牧伏臘聚親串自從西粵歸五十游
已倦少本薄簪組老思焚筆硯諒無適俗性且合從所便
買田但可耕何必定陽羨入山安事深石隱笑李愿黃金

幾虛牝獨此桑榆戀自茲矢閉戶毋更乃公溷先生信天
民豈直邦之彥千篇走海內早辦文苑傳而此菟裘營事
尤愜始願卒歲廩困足登臨腰腳健喬木長兒孫鷄犬皆
仙眷頽放今務觀滑稽古曼倩往昔百歲翁大略脫羈罟
尙當四十年優游閱晷旦我老無一椽此焉方戀棧長當
撰杖屨造廬奉游讌先生應把臂登樓卷帷幔大笑謝張
老誠哉頌禱善

哭婉璠五首

飄風西南來聲響何其悲朝聞折瓊玉經旬意猶疑去年
寄書至消息稍得知方虞老夫病惻惻無見期豈意保衰
幹卻忽推女枝引首問蒼冥涕下如縷縑

昔在羊之年如月始雨水而公倏歿逝而叔羈京師我時
閔倉卒絞紵代經紀凡民尙扶服風誼况兄弟賢哉而祖
母子我以猶子謂齊而公年親我命父爾衰經扶出拜我
見悲不止自茲逾骨肉無異屬毛裏胡爲八年中三世歌
蒿里傷心退之志人欲久不死

我有偏憐女五齡親母訣秀慧略如汝操絃解音節長因
聚閨壺把袂情親熱晨興同脂沐夜語熏迷迭年時各分
散遠嫁傷離別樅陽二千里相送江天雪存者方離憂死
者永歎絕庭前姊妹花觸我腸寸折

聞篋理牋素驚心見遺詩翩然擅標格不類粉與脂其他
長短句珠玉紛交披所憾促年命徒欲託棗梨不見田舍

女光采生門楣名汝實齋汝安用文字爲何如議酒食寂
寂無非儀

吳興有沈遵彈琴專古調我從三年學雅許極幼眇汝時
設紗幔亦遂傳請操始知宮牖外李言非獨造閒雲流瀾
湘離鴻悲絕徼松泉幽澗落漁樵互清嘯爾後賞音寂一
官形影弔如何千里遠復此奪同好招魂調朱絲寒月夜
來照吁嗟賸陵散今古空悲悼

南邨耦耕圖爲子振子立昆仲題

君家有薄田郭北十餘里季宦仲治平生計可謝飢餒高
人惡舍力老尙親耘耔飽食欲有味終不資之而時滄鮮
且濁治怡此兄弟隱無慚龐妻貧羞霸子高平地曉春

五年我於此大都趣本業相戒斥華靡君里號稱仁君邨
圖畫裏屋前九朵峯簇簇青蓮藥柘陰嘯布穀農歌聲四
起想見隴畝閒太和生耒耜衰冠老儒酸少未勤四體無
能食 國惠久抱退之恥安得十畝田歸耕借伯氏

盆梅

羣芳辭時榮獨此及歲晏天心厲高古付託晚始見胡爲
山澤資但屈耳目玩瓦盆不盈尺黽俛就几案女枝取入
畫未許舒老幹寒香自天性靜中時一散所嗟鬱底蘊清
芬纔可辨何不縱所適山顛水之畔風林輝鎧縈流影生
席硯張琴夜寥寂三弄發遙嶽

再以事于彼邨州作

沙洲耆舊集卷之四
客行昭陵道暢月當上句鳥聲弄晴日冬暖如陽春山農
趨耕塋不待改歲新所希入土厚蓄潦乘微溫餘冬惜學
子服田亦同勤道逢樵者歸長歌行負薪問渠亦何樂或
樂全其真感茲感懷抱草草嗟勞人少壯困衣食垂老猶
風塵豈不欲居息微官無田園仙人葛陂杖居士林宗巾
高風證幽夢高躅空白雲何當受一塵林麓湘之濱庶幾
卒晚歲老作識字民

行年五十有六自知放軼昧於發憤之義此諸役役
者或有閒也賦此自遣

流年偈人來六十僅少四老至當鮮歡生機漸顛顛而胡
不自覺酣嬉類童穉由來澹營慮此心無一事微官本爲

貧蠶蠶甘逐隊，樹癩亦殊憊。近幸不加厲，諸男尤意慰。詩書且姑置，假饒身已死。成敗豈復計，以茲樂吾樂。鹹酸殊世味，石花卽娛目。何論叢與卉，得飯便果腹。曷辨精與糲，張絃調松風。開軒面山翠，閒乘東城眺。倦倚北窗睡，騎牛柱下史。化蝶漆園吏，兩賢吾豈敢。謂頗竊其意。

家孟咸以上已日移家桃花井羅氏別業索詩爲賦

長句

黃鶯嘯春事，耐移家。勝日當重三，桃花何年井。尙豔幽蘭之宅，聯羅舍先生家具。不滿擔，隨身黃耳垂肩。耽偏提短檠竹如意，博鑪石鈔都鈞籃。浮家泛宅三十載，異事傳說爭相探。臨街細路轉砌石，負郭遠岫堆晴嵐。檐低打頭

欠伸足婢小赤腳。鷹門堪黔。婁况有閨閨友。貧原荼苦仍
飴甘。紡輒眉案鏡。檻側我鞞子。佩歌無慚花時好。鳥春醮
醴人家周北張之南。炊彫社友到。刺啄睇梁語。燕來詭誦
桐脂偶斷松火續。莊語易厭。俳偕參西頭。陸氏剛隔巷。便
擬十日九過談。東家競爽有二惠。爲語注醜儲瓶甌。

失硯戲作

黃山石材巧匠斲。質若琤筍形半規。金星璘璫牛毛細。香
相虜勺工裝池。積門賦聞十寒暑。春官文戰三攜持。平生
石交詎不固。一朝攫去垂涕洟。楚弓魯寶有得失。許田馬
宅紛更移。我無東屯北里舍。原朱燒豁啟恣睢。亦非走舸
與覆壁。兒嬉玩弄如元涯。石田惡歲衆所棄。此賊咄咄殊

怪奇東京國除耐金薄失侯卽墨當坐茲思之輒作十日
惡夜夢黑衣前致辭自我與君結泉石春蠅秋劔虛委蛇
中書頭禿不中用龍賓散盡千喻麋初期借君入天祿文
棧鏤檻軒雲楣承明直廬侈著作上薄揚馬追奚斯旣疑
迂疏學著遜名聲不藉竹帛垂莊諧列謫屈宋豔焦林賈
訓齊韓詩榮名行久兩不與龍鍾相伴長苦飢以茲銅仙
誓辭漢青瓊勿復尤偷兒我肅黑衣謝不敏紅絲玉帶嗟
何裨腐儒長物去亦得明當散髮親鋤犁

溪州銅柱歌

長沙馬氏古銅柱乃在溪州會溪陽柱修丈二半入地土
花紫暈寒生芒蓮華蓋喪露厥頂乾封泉散列其腸千年

文字尙完真，有鬼物搗蠻鄉中興。伏波磯側貳勳隆，交趾師堂堂士愁蠻部小醜耳。沿邊漢澗聊跳梁，精夫奮呼妖徒應旌旗。一掃收機槍功成遙遙說華胄，范金母乃鄰誇張當年天冊况。割據再傳可笑臣，兩唐會春園荒贖蘭若九龍殿。火如阿房金陵族遷諸馬散孤微一柱留，遐荒我來摩挲况銅狄，弔古客淚霑衣裳。百年歸流蠻觸盡，嗟爾歲月長風霜。

鐵佛寺塔鐵柱歌

浮屠七級如螺旋，中央鐵柱嵌空圓。上生版依大身咒，龍書昇刻淳化年。野牛角利礪不到，鼎足三佛撐南天。千年經幾兵燹更，遼金蹶元明顛。當時金石閣帖最，潭川丞

相重摩編人閒稍識希白字欲覓碑版空雲煙吾湘唐興

傳古刹褚公書勁題門聯欹斜一柱久不仆齊東謬說

金鞭

自注湘潭唐興寺塔歲久欹而不仆俗傳有尉遲鐵鞭支其中

此鐵完竝眞經壽土

花鏽蝕光瑩然不供孟蜀君山器不鑄馬氏乾封泉吳越
金塗散略盡楊吳鑪字非完全溪州會溪天福柱西銅東
鐵當俱傳我生錯鑄鐵難聚輕塵况望金石堅摩挲遽發
長公歎未遑行樂行安禪

篆經圖爲香雪女士題

有序

香雪姓陳氏黃仲良孝廉繼室仲良有嗜古癖自題居
室曰三長物齋金石文字其一也香雪幼習古篆旣歸
仲良盡出所藏臨之益工嘗謂昔人多書佛經以誓者

可以養性而藏者不致褻視因手書心經一過仲良敘
之其末云仲良入寺不禮佛香雪亦藉此學書非佞佛
者縱陽關丈嵐豔其事爲作圖而以所書心經及菩提
葉附其後

應貞少穎解誦佛茂漪妙格工簪花名閨韻事更秀出
繡梵英撫琅琊匪伊長齋事蘇晉爲要倡和娛秦嘉兜羅
絲手貝多葉世上男子徒蠶芽香茅古屋方塘西藤蘿畫
靜嘯窗雞博山香篆金梭貌如賓食案雙眉齋秦碑漢榻
分標題紅絲硯滌楷薇露簾旌不動春山低自從俗書觚
古法字母依稀仗西域槩礎長物笑雞肋聞人亦自工拂
拭但須六書精羽翼不在三乘證空色繡餘吟倦蒼蘆香

茶煙裊裊陶麤墨似此廡下春亦得

譚郡伯鐵簫先生招同礪東孝廉奉陪春海學使曉
出雙清亭晚集郡齋卽事

朝暎射綠開煙髮嘯鶯繞郭聲聞關空亭四面納春氣雲
根棟色新堪餐芳洲雁翅挾澹邵幽巖曲抱成回瀾中央
浮屠標木末晴空石劍高青攢使君校士瘳心力十日鎖
院崇朝閒茲晨休沐屏騶唱恐訝援鶴驚鷗鵬溪山指點
入圖畫風日清神怡神顏擢歌遠出極浦樹扁舟不繫垂
楊灣欣然命鼓水雲曲天光澹沲風生滿餘翁地主此豐
樂妙選賓從陪清歡行廚已載竹葉酒別館仍設楊梅盤

自注郡署有
晴雲別館

冠裳脫略愈名貴禮數假借忘儒酸旗亭紅

旆擬朝發譙門畫角愁更闌大賢游譙競傳說勝境豈必
空塵寰君看蓮池遺蹟在

自注宋周子愛蓮池在別駕署

也應飛瓊剛江

山

寄楞子立學博

與君杵臼論交篤五十生涯商首藉但聞寒士目劉祚綏
見榮財字江祿腦腸幸免墮肥滿耳目何緣捐蠶齷滯山
西邑維山陽兩兩歌聲出林木羣兒可笑故嘲抵謂博虛
名競馳逐中年哀樂待陶寫政取詩歌當絲竹秋冥風警
起沙雁夜冷霜華耀叢菊朝來試望小九華憶君久別南
邨屋仲文海內候將老伯奮山資那便足青天蕩空雲自
在知君與我皆黃鵠預愁相思若相避君歸我又湘之曲

安得衡山七嶺閒，飲谷栖邱同卜筮。

龍溪道中書所見

峽氣出層巒，山行入深霧。山頭萬石如白羊，疑是初平仙。
隱處人家土屋，山之陁杉皮，蘚綠纒攔青松梢，覆屋盡橫。
出下有附幹，千年藤坡陀，起伏石秀削，古礪竊曲泉，清冷
通都大邑甯有此，到眼邱壑皆天成。山根雲隙幽絕地，但
憾不置尖茅亭，松閒老翁腰背曲，杖藜日暮驅黃犢，偶逢
樵者話晴雨，豈屑勞人在塵俗。溪山老去尤宜歸休可
笑徒空談，何田可耕，雲可占，無須招隱勞淮南。

題空囊歸里圖送闕文

嵐還桐城

縱陽闕丈今徐熙畫花如語鳥，欲飛尤工士女態，妍絕屏

風妒殺千蛾眉鶯嘯燕舞斷腸處人閒真見西家施南上
蕩江權湘水聞道諸侯爭倒屣但求光采生屏障那惜朱
盤堆細綺先生意氣貧能豪黃金入手渾鴻毛門前上客
紫驢馬竈下美^粿黃羊羔烏飛帶^帶星西日迫老去囊空羞
作客千金散盡還復來錯信詩^詩狂太白我歌慷慨持贈

君君歸囊空君不貧浮山晴靄朝網緼六時花木皆陽春
中有羽士華陽巾自注君歸後將依浮山道士以老丹成金鼎從君分千

年虎魄青松根山中供養饒煙雲平生冷笑曹將軍塗窮
白眼遭呵噀丈夫餓死小事耳肯貌尋常行路人

東園海棠

東園海棠予手栽青條婀娜枝朶恩山城二月春風來紅

絲萬穗垂葳蕤去年前年花正開卻聽官鼓聲如雷春深
山鳥方催歸落紅但見栖蒼苔花時人事兩不乖二年悵
惘今年纔玉霄露重仙雲堆西施睡起珠簾釵妝成催上
姑蘇臺生香爍動仍徘徊不須照夜燒麝煤融酥羞暈春
生顛獨憐冷客梅山隈看花不那衰顏頹且揮朱絲傾綠
醅他鄉花好住亦佳不見定惠院東醉五回謫居病眼時
時揩

三月四日與家人飲牡丹花下作

催花宜暄養宜陰花時顛倒愁陰晴天公作意遺春色午
風驟暖朝寒輕老來富貴不著眼賸有花事猶闕情相困
權圃久寂寞杖藜信步驚傾城亦嗟豐豔偏衰朽尙許綉

關歸老成故人飲我似公瑾自注陸友山饋酒泥頭乍啟香且滿
左對孺人右穉子酒紅一笑冠絕纓腐儒賤貧衆所唾
隨世好殊顏頰廣平心腸但鐵石愛花那必遺時榮

田家

方鄧千畦畔行田水滿鋤柘陰看飯犢松火照叉魚白酒
春供饑青鹽曉趁墟老農粗識字手把課晴書

磁州

塵鞅邗洛外清幽別一天澡鯉魚上市稻熟鷺飛田水淨
平鋪鏡車遙儼泛船故鄉渾不異歸路夢湘煙

夜至九十六松山房次舫韻

問雲無定軸百里渡江來流水孤邨夜蓬門一笑開舊

看畫壁新雨過蒼苔今夕山中月清光照舉杯

明日再秋舫

水竹西谿碧杉松古屋晴春雲移澗影幽夢落樵聲散髮
逢高士勞形謝友生翛然猿鶴外誰識此時晴

赤江寺

意行逢野寺樹杪逗紅牆茶熟僧初定山深晝覺長閒門
通曲澗清話立斜陽世外誰招隱容予假竹房

偶成

射圃經旬住山園四月初粉黏蟲化蛻翠沒鳥銜魚梅雨
侵枝陳芥泥帶草鋤且消江總日聊補陸璣疏

桃源縣有懷

何處秦人洞先生儻寓言河山非典午松菊自田園歲月
義熙古衣冠處士尊宅旁五株柳避地卽桃源

灘行雜興五首

水驛十五里巖居三兩邨野田春秀麥山店早關門負纜
猿猱捷排峯虎豹蹲何須聞戍角向夕斷人魂

地險何年闢飛舸下瀨驕旌旗增重鎮鼙鼓罷征苗壯士
春拋甲悲笳暮警柝夜卽紀行役間興屬龍標

峯頂灘神廟危巢石燕龕嵌空橫鐵鎖絕壁倒樟相風雨
遠望閃牲牢鬼物耽如何天冊將血食說征南

疊石鬱崔嵬碓闕扼險關長龍盤地出宛馬蹴秋來望氣
黃金礦丸泥白骨堆守邊謹四裔剛負爾丸材

又魚荷短蓑長年窮袴脫
蠻婦背筐駝地瘠
晚時禁許嚮風爭改土尚俗陋仍多

偶遊野小憩山亭遂題僧壁

僻宇孤立山深松四圍
瀑泉當檻落幽鳥近人飛
采藥樵徑張琴選石磯
斜陽耽坐久黃葉滿僧衣

雨氣

雨氣浮瓜蔓風簾動夜缸
遠鐘清到枕老樹綠當窗
病肺秋先劇讐書興未降
草堂同米舫坐覺泛煙江

喜雨

識三冬雪仍聞二麥秋
皇天方好德杞國自懷憂
大雨直下響高田一例收
飢人真饒溢省向夢中謀

洋溪道中

石徑清溪曲松根細路斜
崗雲前代樹穀雨上番茶
薄宦成何事浮生會有涯
相逢愧樵牧蕭散足煙霞

路上詠古林

古林森百尺冬葉綠仍繁
附幹藤堆蘚穿田石露根豈因
不材老聊復得天存
閱世終輸爾休言隘一邨

憶童時別業

地僻林巒合溪回路約通
竹聲茅屋雨荷氣水亭風
仕宦潘安拙生涯庾信窮
自憐如野鳥悵望故巢空

感舊

水碓門前蔓草深秋風吹送夕陽
襪令感無地尋華表中

散多年感斷琴江上閒雲蒼狗幻城南煙柳暮蟬吟廢廟
細認曾題字蘇蝕塵封涕不禁

武昌雪阻登南樓晚望

南樓獨上暫憑闌客思無慘觸歲殘萬里風塵悲短劍武
昌暮雪擁征鞍燕雲北望金臺迴鄉樹背昏丙舍寒向夕
鐘聲人散盡慈烏將子入林端

客興

將昏未昏天鬱陶欲雪不雪風蕭騷穿林一星光有角挂
樹半月寒生毛閱貢猶肝豈本志嵇康性嗟吾曹出門
西笑亦偶爾行當誓墓歸蓬蒿

在平旅次題壁

白草黃雲萬里游功名齒莽做貂裘三書光範成何事一
葉關河又早秋燈燼暗蛩唬素壁夜深急管托紅樓風塵
太息中郎將門下猶能客馬周

泰安道中曉行酬家利津令

文昶

此花香裏淨纖埃策蹇今朝眼界開曉日齊煙縈碧落中
雲氣走蓬萊秦封漢禪餘荒碣玉檢金泥付劫灰東道
君堪載酒青鞵絕頂數追陪

苦雨初霽陳秋舫大雲伯仲過訪不值翌日奉簡

月寒慳也信風碧桃消息閉門中升堂蚯蚓信仍屬忍
爰居西復古笑於陵居仲子誰言京兆過盧仝茲晨

口壽

卻披閒雲類轉蓬

曉霧渡湖同秋舫

春風驛步門西渡乘興同登訪戴船洲外漲痕初沒樹江
空霧氣欲漫天橈聲細認干尋利人語微聞隔浦煙樓閣
漸明山漸出銅鉦木末一竿懸

辛未春日二首

百二十春強半醉

自注是歲
閏三月

此鄉仍白笑無功新林已過

潑火雨老屋猶狂顛鷓鴣風彈指流光中歲速嘔心生計本
來窮門前楊柳平隄水隨意輕舸逐釣翁

偶趁招提度舍南野藤麗殺柳參覃背蓬短艇桃花水社
雨香泥燕子籠負郭畬田春叱犢誰家幽閣晝眠蠶耕桑
未事空游憩席帽囊琴那不慚

小吳門外掃亡室胡墓

野樹春風挂紙錢，荒碑字沒草芊芊。
鹿門未伴龐公隱，臯廡空傳德曜賢。
貧到白頭猶是福，靈歸虛室定何年。
此情獨愧蒙莊達，東阜徘徊尙黯然。

過青山祠李恥庵先生厝棺處

一官老未遂歸休，萬里輜車尙滯留。
慈竹共含終古淚，自注太夫人先數月卒。
於官署同居此。葛衣深抱藐孤憂，鶴聲向夜聽華表。
狐首何年正故邱，落日松楸風起處。
青山祠畔是西州。

辰谿舟中次子言韻

峭石臨谿削未成，亂灘遠泝一舟輕。
白雲狡獪神仙窟，自注絕壁石洞有木槽二。
相傳爲仙人所置。黃葉招提水驛程。
雁背樵聲天半落。

槽邊霜氣晚來晴西遷不是龍標尉慚愧溪蠻識姓名

偶用三分水二分竹一分屋作圖沈栗仲王中之兩

大令以詩寄題奉答一首

息躬太傅吟池上

自注樂天池上篇序云地方十七畝
屋室三之一水五之一竹九之一

性狂夫宅讓西名士自來傳別業浮家無地著枝棲綠鬢
煙雨篔簹谷白舫春波罨畫溪何日買雲結茅屋小亭真
乞鄭公題

出門

二十年重作馮婦四千里又逐諸公隆隆臘鼓打暮雪歷
歷江帆飛北風對酒不飲念關塞牽衣欲別愁兒童在家
無謂出何事自笑浮生隨斷蓬

魯仲連臺

大義堂堂肯帝秦匹夫志立重千鈞解紛安得皆奇士亂
世何期見此人東國至今多慷慨高臺終古鎮嶙峋聞風
尙有胡忠簡蹈海甘心犯逆鱗

同中之送子言竹谿再登攬湘樓話別

惜別仍登背郭樓
郭泉淪茗雪盈甌
丹鉛歲月誰千古
車笠交親半白頭
落日荒荒江閣迥
商風瑟瑟管絃秋
西魚東水尋常事
別有英雄淚迸流

與中之再登攬湘樓

乞得閒身暫故鄉
茶傭醜僧溷何妨
洲浮煙樹橫官渡
鏡帶晴雲下碧湘
老去山川渾夢寐
秋深風日足清狂
茶瓜

忽憶登樓別粵秀吳趨道共長

是日集于筱岑寓舍小酌彈琴疊前韻

物通風味麴生香野趣豪情兩未妨世路悲歌多客子古
來秋思在瀟湘半生骨相真翻薄千首詩篇李白狂且莫
停琴辭百罰他時相憶楚天長

己丑歲朝偶興

林啼乾鵲當檐噪雪霽南臺山卷幔看多病漸容人事簡
投閒差博此心安春風弟子芙蓉鏡初日先生苜蓿盤自
是浣花兼吏隱漫嗟身世誤儒冠

領軍

領軍面目故峻嶒騶唱車前意氣凌但見餓鴟驚腐鼠何

會凡鳥避蒼鷹菜脯附託聞猶忌薤本彊梁拔豈勝莫更
循良思矩訪宣呂酷吏竟誰能

邑君子爲茸學舍成詩以落之四首

老去浮家就冷官卑棲聊籍一枝安幾人令僕勞薪似自
古乾坤傳舍看雅興便須謀十客此君還待長干竿畫圖
舊願償何日自注予有三分水二分竹一分屋圖且可淹留苜蓿關

背廬北郭綠陰環而圃東軒晝日閑欹枕半橫煙際樹疏
簾盡卷雨中山消磨歲月琴書裏溷蹟風塵吏隱閒贏得
新居如白鶴村春鄰火夜深還

病起看山時拄頰飯餘行菜一窺園露涼佇月青琴溼雨
微聽泉午枕喧入室何人頻問字此邦有佛敢稱尊但應

別立參軍精十稔從容共曉昏

自注禪翁贈詩在斂信十稔居相與數晨夕句

已分蠶鹽斷此生升沈嬾更問君平豪情自喜何妨病結

習難除尙累名雲氣九華朝撲檻

自注子立學博別業有九峯名之小九華在署

北月明千戶夜登城紫茄白莧還親種供饌休傳景節清

偶興

豆棚花畔檜籬閒亂草繁英手自刪雨歇池聲聞細水葉
稀城角露遙山但應求仲成三徑不效休文結入關門外
熱官饒訕笑傲深一事獨能閑

秋信

病先秋信防宜早老託名山事已遲曲裏樵漁空自賞夢
中蕉鹿至今疑宦游何日歸田賦負荷驚心責子詩飽飯

清江雜錄卷之百四十四
但尋閑客至桑麻話到夕陽時

病餘

病餘真見柳生肘秋至早驚霜上須桑下靜觀蠻觸鬪田
閒笑應馬牛呼神仙有分但妨嬾令僕難成知坐迂賸欲
編詩附諸老

自注近翻東孝廉子立學博均刊詩集成

任人嗤作詭癡符

感興

青山欲問寒盟故白髮都如世事新經卷藥爐俱老病雞
羣牛阜定前因折腰漫謝陶元亮屈膝仍慚梅仲真何日
一塵湘水曲杖藜荷鋪岸綸巾

與中之別四年多傳其物故者得子立書聞邸報中
之不死且得原官喜而賦此

冷宦深山閱歲時故人青海斷聞知
謫言幾處爭爲位好事傳來更夢
尸老淚談拋干點溼予情已分九
京期從茲箕口停揚簸訊爾因多
生挽詩

寄懷湯質吾小治幼尊伯仲

古槐深閬舊柴荆長記尋幽傍北
城龍尾鐫銘殊近玩蟹泉井名
烹薜石餘清南朝族數諸王盛東
海人傳萬石榮何似君家好昆季
六詩三筆自聲名

自笑

自笑閒曹少奉錢羞稱不退坐無
田爰居解道占風避脈望何時食
字仙韋氏一經從子廢柳公雙瑣
待誰傳柯林那許倉皇買蓑笠浮
家信暮年

倦起

倦起閒行餓便餐調停聊得病身安
舊詩欲棄同雞肋薄奉猶求笑鼠肝
歎逝秋華驚晚晚懷人鄰笛助辛酸
十年鷗鷺盟心地江上煙波歲又寒

近興答湘中諸子

歷錄跋烏肯暫停無多衰鬢日星星
嗤人自鏤和疑板注自
拙詩乞子立有子誰傳伏黯經
東嶺閒雲難作雨自注時
學博督刊西山何藥可延齡
一官退院枯僧似戶擁芭蕉畫亦扁

歸興

道林之麓西山邊何時竟置二頃田
樵風穿雲遞疏磬石磴繞樹飛春泉
折腳錯炊糙米飯高頭杖挂青銅錢
陸生

好時那便得小築劣堪娛暮年

病起偶成

老去彭殤物久齊意行瓢榼手親攜酒材漫就門生乞藥
裏頻煩遠信題瘦格漸同長脰鶴童心猶闕少年雞料量
政有平生責千首新詩百瓿齏

小河司明季先都督公殺賊處

不須十萬劍橫磨氣壯君親慷慨多慚愧公侯今復始一
鞭羸馬渡溪河

襄陽雜興

高林鶴鳴致蕭閒采藥當年去不還欲訪先生棲隱處白
雲深鎖鹿門山

亂石依稀識昔門當年流寇此蠶屯布衣一劍酬王事尙
說吾家畫里村

自注先七世祖次郎公居畫里村以布衣禦賊死姓

春日聽橘園

眞成獨樹老夫家五架三開四壁花更著雲關塵不到青
藤麕眼竹籬巴

古屋香茅老樹根梨花菜甲自成邨白鷗不避人垂釣黃
犬先攬客到門

盆池活水漾天光蓮葉東西若帶長一寸文魚浮石罅便
同註嬰樂潦梁

過江山色雨餘滋雲髻纍纍屋角窺暖翠浮嵐渾不礙在
城雉堞鬱參差

閉江舟中

沅江東下鼎州西千里雲山入五溪正是客愁春又暮
桐花落鷓鴣啼

自題署齋三首

藻章陰畔三重屋人指先生寄寄巢
白注三字齋額卻笑老謀輸
狡兔故山無地許誅茅

疏寮修竹碧玲瓏到眼徐熙畫本工
簪笠蕉衫秋樹裏夕陽人影下城東

愛竹縱橫侵到檻種蕉容易綠漫天
冷曹未較閒居異便作菟裘老十年

以事干役邵州途中作五首

絕壑飛濤白玉流，參天萬木綠陰稠。
行人五月龍溪道，細雨條條似暮秋。

夾路藤花十里紅，山風吹雨落巽桐。
偏提酒具高頭杖，羨爾橋南叱犢翁。

楓溪亭子臨平石，雨餘流水鳴淙淙。
微風吹隴綠如浪，白鷺見人飛一雙。

滕開種豆山，諸犢石墾鋤泥更樹梁。
憐爾胼胝無曠土，何由醫得眼前創。

東田匱水過西田，截竹連筒作架穿。
農事關心人漸老，何時結鑿蟹山泉。

山行絕句五首

傍郭林趨西崦曲度溪雲入亂峯深
楓巖斜日澹人影黃
葉數聲嘯暮商

古木安知唐宋年
蚪枝作勢尙參天
君看大廈爲梁棟
何似深山閱變遷

巖樹橫斜都入畫
山田高下自成畦
峯回港斷石橋出
知有人家幽磻西

老農三五山之幽
相逢訪客來林邱
心知俗狀駭麋鹿
有田我亦驅黃牛

雲嵐畫意黃公望
邱壑心期謝幼輿
大好溪山供老眼
獨憐何處是吾廬

再題子振子立秋鏡聽雨小照

有序

戊子秋爲子振昆仲題聽雨山房冊子閱今五年子立
漸有歸興復屬題闕丈嵐所畫秋燈聽雨小照極道歸
與之樂蓋僕與子立老因冷曹宦况都可想見云

逍遙堂北雨黃昏松竹淒清欲斷魂爭似君家老昆季三
閒瓦屋水南邨

松影橫窗榭影搖白頭相對話清宵紅燈多少長安客待
漏霜衣去早朝

小九華陰畝接厓溪南秋盡雨如繩山林且可辭飢餓費
共扶犁夜剪燈

自注子振子立別
有南邨耦耕圖

折腰不到陶元亮招隱何勞陸士衡
須安置短燈檠

沅湘耆舊集

卷第一百四十四

七

沅湘耆舊集卷第一百四十四終